

مجموعہ ابوالضیا

ماسوا شاہ مسند دلی تطہیرہ چالش
پرتو حکمت و عرفان ایلہ تنویرہ آتش

علوم و معارف دین بحث ایدرہ و عرفاء عربی ابتداسیہ اون بشتہ نشر اول نور فنون غزتمسیدرہ

[نسخہ سی ۳ فروش

فی غرہ ذی الحجہ سنہ ۱۲۹۷

نومرو ۶]

پولی نزیشن . - ۱۷ آمریکا اقوام شمالیه سی . - ۱۸ اتوپرو . - ۱۹ پانیه .
ئین . - ۲۰ بارلیو غاران .

*

ایشته کر مژک حاوی اولدیغی انسانلر، که کرک کتب سماویه و کرک
متبعین احوال بشره کوره اساسا پریدر و پروالده دن وجوده کلشدر ؛
بالاده تقریب و تعین اولندیغی اوزره ۴ قسمه و هر قسم دخی بر چوق
شعبه یه آیرلش و بو کون معلومز اولان اقوام و السندی حصوله کتیر مشدر .

ذیل

عرق معنای لغویسی طردر ؛ هر سنه نك اصل و بنیادینه ده عرق تسمیه
اولنور . و آغاجک کوکنده کی تل تل صحیفه لره ده عرق اطلاق ایدیلیر ؛
بو اعتبار ایله شجره * ابوالبشرک اغصان و عروقی اولان انسانلرک شعبه
و قسمده علمای فن عرق نامی ویر مشلدر .

انسانک درجه قامتیه ثقلت وجودی

طول قامت

انسان اوتوز یاشنه قدر اوزار ؛ بوسنده بولتانلرک حساب متوسط اوزره
طول قامتی بر مترو ۶۸۴ میلیمترویه و اصل اولور . اوتوز یاشندن اللی یاشنه -
قدر اوزانوب قیصالمیدرق، حالی اوزره قالیر ؛ چونکه بویکرمی سنه مدت
سن بشرک وقت کمال یعنی حال و قوفی اولدیغندن، قوای سائر دخی تزاید
و ثبات قصدن بری اوله رق، بر درجه ده دوام ایدر . شوراسی بیلغلی در، که
بجتمرده نقطه نظر من صحت وجود اوله رق مریض و معل اولانلره بختک
تعلق ایدر جهت بوقدر .

۲۰ یاشده قدک طول وسطیسی ۱ متر و ۶۶۵ میلیمترو، و ۲۵ ده
۱ متر و ۶۷۵ میلیمترویه رسیده اوله رق، نهایت ۵۰ دن سکسانه قدر
قامتک اوزونلغی بر مترو ۶۷۴ دن ۱ متر و ۶۱۳ میلیمترویه قدر تنزل ایدر .

۲۰. باشنده بر كويلى هم سنى اولان بر شهرليدن دها قصير اوله رق،
ينه او سنده و فقط رفاهيت حال ايله بيومش اولان بر كويلى وكذا بنه
بويله رفاهيت حال ايله بيومش بر شهرلى فقر واضطراب ايچنده بيومش
اولانه نسبتله طويل القامه در.

رجالك قامتي نسايه نسبتله طويلدر . رجالده قامتك حدين غاييتي
۱ متر و ۶۷ ميليمترو ايله ۱ متر و ۸۹۰ ميليمترو اولديغى حالده نساده بر
۱ متر و ۴۴ ميليمترو ايله بر متر و ۷۴۴ ميليمترو بيننده در.

ثقلت :

انسان قرق ياشنه قدر اكتساب ثقلت ايدهرك، قرقدن آلتشه قدر
ثقلندن دوشمكه باشلار؛ سكساننه وصولده ثقلت طبيعيه سندن ۶ كيلوگرام
يعنى تقريباً ۴ وقيه ۲۷۸ درهم غيب ايدر . طول قامتي دخي بوسنده ۷
سانتيمترو قدر تدنى ايدر .

۱۹. باشنده بر كنچك ثقلت وسطيه سى جنسينده بر اختيارك ثقلتيه
مساوى در . وجودجه كاله واصل اولمش بر آدمك ثقلتي حين تولدنده كي
ثقلندن ۲۰ كره كراندرد .

بلوغه ايرلديكى آنده وجودك آعرافى سن كمال دم ثقلنتك نصفى در .
جنسيتنى برطرف ايلديكمز حالده بر انسانك ثقلت وسطيه سى ۳۴ بچق
قبه در . جنسيت نقطه نظرندن موازنه ايدرسدك ذكور ايچون ۳۷ واثان
ايچون ۳۳ وقيه ثقلت بولنور .

رفاهيت حال واختلاف صنايعك واشتغالانك وباخصوص اسكان ايد
يلان ممالك واقايمك ثقلت وطول قامتيجه تاثيرات كلييه سى واردر .
استان مقساويه ده باخصوص اون ايكي ياشندن صكره رجال دائمانسايه
نسبتله ثقيلدر . نشو ونما خصوصنده مكمل اولان رجالك ثقلت وسطيه لرى
۳۷ وقيه تخمين اولنه بيلير . فقط اوصاف مذكوره بى حائر بر قاديئك
ثقلت وسطيه سى ۳۳ وقيه در .

اشبو ثقلتک حدین غایتی رجالده ۲۶ ابله ۷۷ ونساده ۳۱ ابله ۷۱
 وقیه در .
 نسا ثقلتک درجه غایه سنه رجالدن کچ واصل اولور؛ یعنی نسا ثقلتک
 الک زیاده سنی الی یاشلرینه طوغری اکتساب ایلدیکی حالده رجال قرق
 یاشلرنده حائر اولغه باشلار .

ژاپون

— ژاپونیا چینک جنوب شرقیسنده ۳ ینک بشیوز ۱۱ قطعه جز-
 رمنک عمومده، وواقع اولدقلری دکره دخی ژاپونیا دکزی اطلاق اولئور.
 جزایر مذکوره عرضاً ۳۳ درجه دن ۴۸ درجه یه و طولاً ۱۲۸ درجه دن
 ۱۵۵ درجه یه قدر امتداد ایدر .

غرباً (طونف های) یعنی چینک بحر شرقیسی و (قوره) بوغازی
 وتاتارستان بوغازی و شرق جهندن بحر محیط کبیر ابله محاط اوله رق
 مقدار سطحی تربیعاً ۲۷۰,۰۰۰ کیلومتر و اطرافی صیغ و قیالقی در .
 بوسنبله اورالده سیر سفای غایت مشکلدرد .

جزایر مذکوره ابله قیالقلرک اکثریسی آق دکرک (اسپوراد)
 آطه لری کبی بنار طاغلرک بوسکورمه سننن حاصل اولمشدر . بوندن طو-
 لابی اراضیسی او قدر محصولدار دکلسه ده اهالیسنک عمره جهد و اقدامی
 اوله رق، هر طرفی مزروع و فوق العاده معموردرد .

ژاپونیا جزیره لریسنک موسم شتاسی بارد و صیفی فوق الغایه حار و
 باغور و بورا و فورطنه لری کثیر و شدید و هوایی موافق صحت در .
 درجه عرضنه کوره مزاج اقلیمی معتدل اولقی لازم کلیرسه ده جزایردن
 الک بیوکلی اولان (نیفون) آطه سنک اوزرنده کی یوک طاغلر سمت شر-
 قیسنده بولندیخی جهته شتاسنک شدتی بونردن نشأت ایتکده در . حتی

بوآطه ده اکثر اوقات ده بش آلتى ساتيميره قار بولنور . حال بو كه جنوب
سمتندە كي آطه زده قيش خفيف وموسم صيف دخی ينه بوسمتندە معتدل
ولاطيف در . *

عموما ژاپونيه ده مسكون نفوس ۳۰ ميليونى متجاوزدر . پاى تخت
اولان (يديو) شهرى بر ميلونه قريب اهالى بي حاوى اوله رق ، نيغون
آطه سنده واقع در . *

ژاپونيا امپراطورلق صورتيله اداره اولنور؛ اليوم جالس تخت
حكمدارى اولان (ميقادو) يعنى امپراطورك نامى (موننت سوهيتو) در .
ملكيتك قوانينى مكمل اوله رق ، برشوازي دولتى و ۷۵۰ نفر اعضاى
منتخبه بي حاوى برشوازي امتى و اصحاب عقارك ك متوللرندن اوتوز
كشيدن عبارت برده ساتو يعنى مجلس اعيانى واردر .

يد و شهرنده ميقادويه مخصوص ۱۳۰ سراى اوله رق ، فوالعباده
تكلف اختياريله بنا و انشا اولمشلردر؛ حتى سرايترك صحاقرى غايت
مصنع اوبه لى و كاملا آلتون بالديزله مطلا و صحباق باشلى اژدها صو-
رتلى بي حاوى و قابولر آلتون قاقه لى ، و با آلتون قابلى اولسديغى كې ،
حصيرلى دخی سازيرينه صرمد ايله طوقمشلدر .

كرك سرايترك و كرك اولرك اوطه لى و يده لى تخته لاله تركيب ايدلش او-
لمسندن مراد ايدلديكى وقت سو كيلوب ، استيلا ن صورته تحويل اولنور .
ژاپونيه ده حركت ارض بك صيق وقوع بولديغى جهته اول بورا -
زده اولديغى كې ، مرتفع و برقاج طبقه اوزر ينه و هله كار كبر اوله رق ،
بنا ايدلر . فقط نه درجه زده مزين ايسه تناسب هندسيلى و باخصوص
مناات و صنعت معماریه لى دخی اونستنده در .

*
اهالى اصنام پرست اولديغندن ، عموم ژاپونيه ده ۶ بيك بئخانه
يا بلشدر ؛ (ياغوده) نامنده كي عبادتخانه ده ۳۰۰ بيك صنم موجود

اوله‌رق، بونلردن بری اول درجه‌لرده جسم‌در، که آوجینسک ایچنده
آلتی آدم بغدادش قوروب اوطوره بیلیر ! بو صمترک اک کوچوکلری قو-
للاندیغیز اسطوانی کبریت قوطیلری جرمنده و علی‌العادة زی بش آلتی
باشنده کی چوجوق چئه‌سنددر .

ژاپونیا اصنام پرستانی ۳ صنفه آریلیر :

اک اسکی مذهبلری (سینتو) مذهبدر؛ بونک متمسکلی ارواحک
بقاسنه و مجازات و مکافات اخرویه‌یه قائلدرلر .

ایکنجیسی : (بوده) مذهبدر، که ژاپونیا‌ده انتشارینه میلادک ۵۵۲
سنه‌سنددر چینک (قوره) نام شهرندن هجرت ایدن اهالی سبب اولمشدر .
مذهب مذکور اربابی یالکز ژاپونیا‌ده اولموب، بوکا سالک اولان نفوسک
مقداری قرق میلیوندن زیاده‌یه بالغ واک چوغی چین ده‌در .

(بوده) عاقل معنا‌سنه اوله‌رق، صاحب مذهبلری (ساقچه‌مون)
نامنده‌در، که میلاددن ۶۰۰ سنه مقدم ظهور ایشدر . مذهب مذکور
تمسکلی جناب خالق مطلق و حدایتی و کوزله‌کورولمشکدن مبری و صور
و اشکالدن منزله و لامکان و هر یرده حاضر و جمیع مخلوقات و اشیایی
محیط اولدیغی مقر و معتقددرلر .

بو مذهبک اربانه کوره قتل نفوس، سرقت، انتقام، افترا، کذب
و زنا کبائرذن معدود و دارینده سعادت حال فضائل اخلاق ایله اتصافه
محصوردر .

اوچنجیسی : (سیرا) دینیلان مذهب‌در، که چینلی حکیم مشهور
(قونفوسیوس) وضع ایشدر .

بو اوچ مذهبیه منسوب اوله‌رق، عموماً ژاپونیا‌ده ۲۲۱،۴۶۷ راهب
و راهبه موجود و ذکور و اناث ۱۰۲،۴۷۷ نفوس‌ده نامزددر .

*

ژاپونیا‌ده ایکی حکمدار وارددر؛ بری حکمدار روحانی‌سدر، که

(ميقادو) ويا سراى داخلى صاحبي معناسنه (دايرى) تسميه اولنور .
 كنديسى قطعا مصالح دنيويه به قارشيمه رق، عادتاً بر قلعه مشابه سنده هر
 طرفى ديواره محاط اولان سراينده حكمدار جسمانى طرفندن خدمته تعيين
 قلنان مقررلردن ماعدا كيمسه ايله اختلاط اتمامك اوزره تك وتها او طو -
 زر؛ مقررلري ايسه اكا بر پيشويان مذهب ايله بعض نسواندن عبارتدر .
 ييلده بر دفعه بر ديوار آردندن ماشياً كذار ايلديكندن، اهالى ديوارك
 ثقبه زدنن يالكرن آياقلىرى كوره ييليرلر . حكمدار روحاينك روت و سامانى
 تقدير اولئدميه جق راده زده كئيدر . حتى آره صره اوتنه كينه بريكنه
 رتبه اعطا ايدهرك، بوصورتلده جلب نقود و جواهر ايدر .

حكمدار جسمانى بونى الوهيت مرتبه سنده اصعداد ايتش اولديغندن،
 كافه مقاصدينى اجراده كنديسنه استناد ايدر؛ بوسيله هر درلو تعرضدن
 مصوندر . روحانى به ايسه ذاتا كيمسه تك برشى سويليكه ديلي وارمز .
 حكمدار جسمانى به (طابقون) اطلاق اولنور، كه جمله الملك مفر -
 له سنده در؛ فقط بعضاً مظهر تلطيف و با خصوص تصميماتنى اجرايه
 وسيله اولق ايچون حكمدار روحاينك زيارتنه كيدر .

*
 ژاپون ياده مأموريتلرك كافه سى پدردن اولاده انتقال ايدر؛ و ولاه
 و حكام اولاد و عيالى رهن مقامنده يد و شهرنده براقق و سنده بر كره
 دره بكبرى و والير پاي تخته كلهرك، حكمدار جسمانى به بالذات عرض
 عبوديت ايتلك قانونلرى مقتضياتندن در .

*
 ژاپون ياده معاندندن اك تمير عيارده آلتون و نحاس و الماس و طوز
 و طاش كومورى و كبريت و سائر بولنور . هله آلتون معدنلرى اوقدر
 چوق و بر كنلى در، كه قيمتى نقصان بولماق ايچون معدنلرى ايشلتك
 تحت ممنوعيته آلتمشدر . حين حاجتده معادن مزبورده دن بعضيسنى حكو -
 مت ايشلتدردر .

منطقه معتدله ده بولان ممالکه مخصوص محصولاتک جمله سی ژاپونیده
حصوله کبیر؛ پرنج، بغدای، پاموق، بقله و کافور باشلیجه محصولاتندن
اولدیغی کبی، هر نوع میوه ده مبدولدر .

حیواناتدن صیغیر، مانده، پکی، فرس، کلپ، کدی، فاره، جانور،
قورد، مایمون و بورالده امثالی کورولمک انواع طیور و آری و اینک
بوجکی و چکرکه و دکرلنده بورالجه غیر معروف بالق و باخصوص
بالینه دینیلان جسم بالق و صدف و اینجو و مرجان کثرتلی در .

*

ژاپونیا سواحلی سالف الذکر بر چوق آطه لری حاوی و باخصوص
کبرنیتیلی چیقندیلی اولدیغندن، پک چوق لیان و کورفری شاملدر .
بوجهته اورالده موسم مخصوصنده ظهور ایدن فورطنه لده سفاین بو
لیمانلرده بارنیر .

یکرمی اوتوز سنه مقدملری ژاپونیا لیمانلرینه سفن اجنبیه قبول او -
لمزدی؛ حتی بر دفعه بر انکلیز کیسی جبراً داخل اولمش اولدیغی حالده
لیمان مأموریتک کندی علیهلرنده سو قصده مباشرت ایلدکرتینی حس
ایتمه لیه لیمانی ترکه مجبور اولمشدر .

*

ژاپونلر فطنت و ذکاوت و صنعت و معرفتجه و باخصوص ثرونجه
آسیا قطعه سنده کی اقوامک کافه سنه تقدم ایدرلر . ژاپونلر تزینات
بیتیه ایله اسباب احتشامه فوق العایه مائل اولدقلرندن سعی و اقداملری
یالکز بونلری استحصاله مصروفدر . بو سببله اولری تحف و تفاریق
سرکیسی و احتشام وزینت نمونه خانه سی عد اولمغه سزادر . ایچلرنده
سائل و سرخوش هیچ کورولمامشدر . فقیر اولانلری وار ایسه ده بونلرک
درجه فقری بزم مملکتلرده اورنه حاللی دیدیکمز طاقک یعنی احتشام
و آرایشدن محروم بر حالده بشایانلرمرک حالنه مشاهددر . بو ایسه فقر
دکل اعتدالدر . ژاپونیه ده ایسه بوبله لینه فقیر دیرلر !

*

ژاپونيا نسوانى تىتر ايتز؛ امور ييتيه لىنك حسن تسويه سنده
اوروپاده اداره ييتيه فنى مكنبارده تحصيل ايتش قابىلاردن يعنى اصطلاح
جزده خاتون و كدبانو تعبىر ايتديكمز مديرة البيت نسواندن زياده
صاحبه اعتنا و مهارتدرلر . هله نظاقتجه هيج بر ملتسه مقيس دكلردر .
اك فقيرى بيله كل يوم حمامه كيدوب، تطهير بدن ايدر .

ژاپونيا نسوانى مساعى رجاله اشراك ايلديكمندن، تجار و سائر اصناف
خدمتارنده يوزيكلرله قادين بولنديغى كې، اعمال شاقهده يعنى چغنجيك
قبيلندن اولان صنعتارده دى ۶,۸۶۶,۴۱۲ قادين خدمتكار موجود ايدوكى
اك صكره كوردىكمز بر استاتىستيقده محرردر .

*

ژاپونيا طرق و معارجيه هيج بر مملكتيه غبطسه ايتز؛ بلكه اوروپاده
جاده لىنك وسعت و لطافتى و انتظام و نظافى ضرب مثل حكمتى آلان
پارس بيله ژاپونيا سوقاقلرينه غبطه ايتدلايدر . چونكه اوروپاده يالكر
يوك شهرلك بيوك سوقاقلرى تنظيم و تنظيم ايديلر؛ و صولانيركن،
ژاپونيه بر قصبه دن بر قصبه يه، بر كويدن ديكر كويه كيدن جاده لى بيله
ايام صيفده صبح و مسا صولانير .

شهرلرده كى سوقاقلرك برر قابوسى اوله رق، هر كيجه مرور و عبورك
ميعاد انقطاعنده قباديلر، وضابطه مأمورلى قابولده نوبت بلكر؛ ايشته
بو طريق ايله خرسزلك شرنندن دائى صورتده امين درلر .

*

ژاپونيا خلق اكثر علوم و فنون عالیهده يعنى طب و هيئات و كيميا
و حقوق كې فنلرده چينليار قدر ترقى ايده مامشار ايسده شعرو موسيقى
ورسم كې صنايع بديعهده آنلارى پك چوق بكمشلردر .
پورسلن يعنى ساقسونيا ديدىكمز معدندن معمول كاسه و طباق و كوپ

وسائر اوانی اوزرینہ ایشلدکری رسمار وھلہ ویردکری الوان پک لطیف در . خصوصاً بعض اوانیہ طلا ایلدکری روغن الیوم اوروپالیر طر-
فندن تحلیل ایدیلوبده استعماله امکان بولنه مامشدر .

یازیلری چینلیار کبی، عموداً وقیل قلمہ یازیلیر؛ شو قدر وار، کہ
چینلیار هر کله ایچون بر اشارت مخصوصه استعمال ایلدکری حالده بونلر
حروف ایلہ ترکیب کلام ایدرلر .

اهالی ایکی لسان ایلہ متکلم در؛ بری علما وادبا لسانی در، کہ ادبیات،
تاریخ، اشعار بونکله یازیلیر. دیگرى عوام لسانی اولهرق، بوکا چین
لسانندن پک چوق کلمات قارشمشدر .

ژاپونیده پک چوق مکاتب ومدارس اولهرق، بونلرده هر درلو علوم
وفنونه تدریس ایدیلیر .

اوروپالیرله اختلاطلرندن بری غزنه بیده تقلید ایلدکلرندن، شمدی
یدوشهرنده غیر رسمی ۱۷ قطعہ غزنه نشر ایتکده درلر .

مطبعه لری پک مکمل وحرقلری قورشوندن مصاغ و متحرک در.
غریبدر، کہ حالا چینلیار اوروپالیرک حک واصاغه ایلدکری متحرک
چین حروفنی قبول ایتوبده قدیمدر بری آشدقلری بولده - بزم یعنی قا-
بلیری کبی - لوحه لوزرینہ حک عبارات ایلہ تمثیل اوراق ایتکده درلر .

یدو شهرنده بر دار الفنون اولهرق، مکتبلرک تفتیش احوالنه و شا-
کردانک امتحانبلہ تعیین درجاتنه نظارت وعلوم عالیہنی توسیعه همت
ایدر .

*

معابده کل یوم حکمدارلرندن ترک فنا ایدنلرک ارواحنه دعا ایتک
عندلرندہ الک مقدس بر وظیفه در؛ (داری) مذهبنه سالک اولانلر بعض
حیواناتی الوهیتک - حاشا - متشخص بر مثال ذی حیوتی اعتقاد ایلدکلر-
ندن، پک، زیاده تعظیم واحترام ایدرلر؛ باخصوص کچی به فوق العاده

حرمت و بعض مواد معضله نك حلقه آكا مراجعت ايدرل، كه اعتقادلر نجه حلال مشكلات معنويه در .

(قامى) تعبير ايتدكلى معبدله هر آى پرنج، چورهك، بمورطه و بالى وساىر ما كولات و باخصوص مشروباتدن چاى تقديم ايدرل .
تزيين مقار مذهب لر نجه ممنوعانندن اولديغندن، مزارلى پك ساده و اخشابدن معمول قبه شكلنده برر دنجهدن عبارتدر .

پك متدين و مستقيم اولدق لرنندن اخذ و اعطاساده و تجارتده - عموماً اصنام پرستلرده اولديغى كى - عيىن ايتك كباىر دندر .

اونه دن رى تاريخلرنده سنه قريه استعمال ايدرل و سنه شمسيه ايله قارشىلاشديغى حالده سنه آخرنده ظهور ايدن آجىنى اون كون ضم ايتكله قباديرل ايدى . شمدى يعنى ۱۸۷۳ سنه سنده شهر شمسيه بى قبول و حسابلر بى برنجى حكمدارلر نك تاسيس سلطنتندن اعتبار ايلديىر .
والاصل ژاپونيا اسكى حالى كوندن كونه دكشديرهك، اوروپا مدنيت و اصول اداره سنى (فقط اخلاق مليه لرينه تطبيقاً) نقليده تشبث ايتشدر .
ممالكك هر طرفنده تلغراف خطلى تمديد اولنش و جابجا دمير يوللى افشا ايدلشدر . حتى كچن ۱۸۷۳ سنه سنده اصول مشورتى قبول و قوانين اساسيه بى اعلان ايدهرك، بى يوز نفر دن عبارت مبعوثان اهالى وقت مخصوصنده شوراي امتازنده اجتماع ايتكله بولنشدر .

۱۸۵۴ ده آمريكا جمهوريله بر تجارت معاهده سى عقد ايلدكلى كى، متعاقباً انكلتره و فرانسه ايله وساىر اوروپا ليرلرده عقد معاهده ايتدك لرنندن تاريخ مزبور دن برى ژاپونيا نك (ناغاساكى) و (هوقورادى) شهرلى كره ارضك اك بيوك بندر كاھنرندن عد اولمغه باشلامشدر .

پارسه، لوندريه تحصيل علوم ايچون هر سنه يوزلره طلبه كوندر .
مكده و باخصوص فقه تحصيلنه پك زياده اعتنا ايلكله درل .

اولیٰ طرز معماریلرینی بیله دکشدره رک، اوروپاده اولسدیغی کبی، مرتفع و کار کبر کاشانه انشالی ایلپورلر . قرق سنهیه وارمقسنزین، ژاپو- نیاتک هر حالی تبدل ایدهرک اوروپالیلری اکثر خصوصات مدنیدهده محبوب و ترقی معارفده پک کبرو برافسه لی کر کدر .

مودا

مواد کچی برعانددر که باشی ذوق ایله هوسه باغلیدر . برصاحب قلمک رانجه « دلیر مودا ایجاد ایدر؛ عقلیلر آکا اتباع ایلر . لکن بوشرفه نائل اولمق ایچون جنت حقیقه به نک پک یقین نهده پک اوزاق بولملی در . »

مواد دینلان عالمک احوالنه واقف اولمق ایسترسه کز نسوانک دائره محرمیتنه داخل اولملیسکز؛ زیرا اوراده آنارک خیالی حکومت و مسترأ جهانگیرانه فتوحات ایدر .

مودا عالمک احوالی علی الدوام متغیر اولدیغنه تعجب ایتمه لیدر؛ رجال سلاحه نصل برحس ایله میال ایسه نسوانده مودهیه اولیه برحس ایله میالدر؛ زیرا سلاح ارککلرک، مودا قادینلرک آلت فتح و ظفریدر . بونلر مودانک استعمالنده اوقدر ماهر در که سن هیچ بر قوتله کندیلرینی او خصوصده منعده قدر تیاب اوله مز سک !

اک زیاده جبار و جفاخو بر رئیس عائله خانه سی خلقنه علی الاطلاق حکومت ایده بیلیر؛ فقط مودا خصوصنده حتی بتمشک برزوجه سنه سوز کچیر مکهمقتدر اوله مز . مقتدر اولمق زرده ! موادیه اویدیر مق ایسته دیکی و بامودا اولمق اوزره میدان قویدینی بر شئی بیلکدن عاجزدر . چونکه بر (دکر می) یعنی به مالک اولان بر قادین ۳۶۵ کوندن عبارت اولان بر سنه ظرفنده اکر مراد ایدرسه او یعنی بی هر باغلاشی آبرجه بر مواد اولمق اوزره هر کون کوکلنک ایسته دیکی کبی استعمال ایده بیلیر .